

Hydrargyrum stibiato-sulphuratum.

(*Aethiops antimonialis.*)

℞. Sibi sulphurati nigri laevigati Uncias duas,
Hydrargyri puri Unciam unam.

Misceantur et terantur donec Hydrargyrum penitus
dispareat.

Hydrargyrum sulphuratum nigrum.

(*Aethiops mineralis.*)

℞. Hydrargyri puri,
Sulphuris depurati, Partes aequales.

Misceantur sedulo in mortario vitreo, donec Hydrar-
gyrum Sulphure mixtum plane dispareat.

Infusum Sennae compositum.

(*Loco Aquae laxativae.*)

℞. Foliorum Sennae Unciam dimidiam.

Affunde

Aquae fervidae Uncias quatuor.

Macera per semihoram. In Colatura expressa solve

Tartari natronati Drachmas duas,

Mannae Drachmas sex.

Cola.

K a l i a c e t i c u m.

(*Terra foliata Tartari.*)

℞. Kali carbonici quantum placet,

Aceti destillati quantum ad saturationem requiritur.

Liquor in lebate stanneo ad Libras circiter tres evapora-
tione redactus et filtratus, in vase vitreo aut porcellaneo,

in balneum aquae, aut supra arenam calidam posito, ad siccum evaporet. Sal concretum statim, ne humidum quid attrahat, in vitro obturato serva.

K a l i c a r b o n i c u m .

(*Alkali vegetabile aëratum. Sal Tartari.*)

Tartarus crudus vasi idoneo inclusus, uratur, donec sine flamma et fumo candeat. Residuum Aqua calida elixetur, Liquor coloris expers filtretur, et ad siccum evaporet.

Eodem modo Kali carbonicum extrahitur e massa carbonacea, ex destillatione Tartari residua.

Kali carbonicum, plurimis aptum usibus, at non omnibus, quibus Kali e Tartaro paratum convenit, sequenti modo obtinetur:

Cineres clavellati, ut prostant, at terra silicea soluta omnino non inquinati, in pari Aquae ferventis pondere solvantur, Liquor per chartam colatus evaporet, donec cuticula appareat, et per aliquot dies seponatur, ut Salia neutra in crystallos concrecant. Liquor kalinus residuus effundatur, et evaporatione in sal siccum redigatur.

Kali, modis dictis paratum, majore quidem ex parte, sed non perfecte, Acido carbonico est saturatum. Perfecte saturatum obtinetur, solvendo illud in Aqua, Acido carbonico impraegnata, et solutum evaporando, usque dum cuticula appareat. Tunc Kali post aliquot dies transit in crystallos, Acido carbonico in totum saturatas.

K a l i c a u s t i c u m s i c c u m .

(*Alkali causticum.*)

Liquor Kali caustici evaporet in vase ferreo, donec gutta, in metallum frigidum demissa, perfecte concrecat; tum effunde, et frustula diffracta statim in vase rite obturato serva.

K a l i c i t r a t u m .

(*Sal Absinthii citratum.*)

℞. Kali carbonici quantum vis,
Succi Citri recentis quantum ad saturationem re-
quiritur.

Liquor seponatur per aliquot dies; tunc a faecibus decanthatus, in lebeti stanneo ad quartam circiter partem evaporet, per chartam coletur, et in vase porcellaneo, balnei aquae calore, exsiccetur.

K a l i n i t r i c u m .

(*Nitrum depuratum.*)

Kali nitricum crudum in Aquae fervidae duplo liquetur. Instilletur Liquor Kali carbonici, quam diu solutum inde turbetur, per chartam colatum seponatur deinde, ut crystalli concrecant. Liquor residuus, ad dimidium evaporatus, denuo crystallos demittit. Haec operatio repetenda est, dum crystalli Kali nitrici purae inveniuntur.

K a l i s u l p h u r a t u m .

(*Hepar Sulphuris salinum.*)

℞. Sulphuris depurati Partem unam,
Kali carbonici siccati Partes duas.

Mixta in crucibulo tecto et satis amplo leni igne coeant in massam homogeneam; quam in tabulam lapideam, aut in laminam aeneam, Oleo Amygdalarum illitam, effunde, et frige factam statim in vase rite clauso serva.

K a l i s u l p h u r i c u m .

(*Arcanum duplicatum. Tartarus vitriolatus.*)

Massam salinam post destillationem Acidi nitrici remanentem in Aquae quantitate sufficiente coquendo solve, et simul Acidum, si abundat, cum Kali carbonico satura; Liquorem evapora donec cuticula appareat, filtra, et in crystallos redige.

K a l i t a r t a r i c u m .

(*Tartarus tartarisatus.*)

℞. Kali carbonici quantum vis.

Solve in

Aquae fervidae Octuplo;

adde successive

Tartarum depuratum in pulverem tritum, donec effervescentia cesset. Liquorem rite saturatum filtra, et leni calore ad siccum evapora.

Obtinetur quoque Kali tartaricum, quum paratur Acidum tartaricum, suo loco expositum.

L a p i d e s C a n c r o r u m c i t r a t i .

℞. Lapidum Cancrorum pulveratorum quantum placet.

Affunde

Succi Citri recentis quantum sufficit ad saturationem; postea exhalet humidum leni calore in vase porcellaneo vel vitreo, agitando spathula lignea. Massa exsiccata teratur et cribretur per linteum.